



佛說觀無量壽佛經








靈山衆會
耆闍山沒
王宮中出
事畢還歸
阿難



韋提
禁閉深
發起大
濁惡衆生
于今受賜



第一日觀

落日懸鼓

出生死路

十二時中

繫念一處


第二水



大水澄清
 凝然冰紅
 表瑠璃地
 內外映徹
 第三地觀
 琉璃地上
 莊嚴衆相
 了見分明
 除疑破障



第四樹觀
 行樹七重
 珠網華宮
 清陰垂布
 妙好無窮




第五池觀
八池德水
七寶妙色
蓮開鳥鳴
洗除煩惑



正

第六總觀
樓中天樂
讚佛法僧
寶樹地池
一念圓成



第七座觀
大蓮華座
百寶嚴飾
微妙難思
法藏願力



第八像觀
 託像疑真
 見真忘像
 三聖炳然
 尚名麗




第九佛觀
觀佛相好
一經宗要
三昧現前
始知深妙



普賢轉土
 正轉海光
 大妹羣苦
 失面諸制
 十裝至麟



十勢至觀
光通諸佛
力救羣苦
頂餅盛光
普現佛土



十二普觀
趺坐蓮中
蓮華開合
依正莊嚴
一切俱攝



定相



十上品上生
 三心圓發
 諦理深明
 金臺隨往
 即證無生
 上品中生
 達諸法空
 了無驚望



有願即生
不必讀誦
上品下生
但發道心
未窮妙理
到彼開明
獲菩提記



十

十五品生

諸戒久持
往生如願
聞說苦空
得阿羅漢

中品中生

一日一夜

奉戒願求


蓮開見佛

即預聖流

中品下生




孝友仁海
知識開悟
遇二菩薩
聞法得度
十空品生
生平積惡
死遇良師
一稱佛彌
生寶蓮池








下品中生
 毀戒業深
 獄火俱全
 聞法回心
 眾聖迎去
 下品下生
 臨終
 教稱十人
 蓮華金







六合清寧 七政順序 雨暘時若 萬物阜豐
億兆康和 九幽融朗 均躋壽域 溥種福田
上善攸臻 障礙消釋 家崇忠孝 人樂慈良
官清政平 訟簡刑措 化行俗美 泰道咸亨
凡厥有生 俱成佛果



御製觀無量壽佛經序

蓋聞佛之道廣大無外。光明畢照。先天
地而無始。後天地而無終。而其要以清
淨為宗。利濟為用。其願力弘深。拯拔無
量。蓋極乎億萬劫之前。極乎億萬劫之
後。同一慈悲之念。平等之施。故自西土
以入中國。千有餘歲。中國之人。崇信其

說遵奉其教。蓋大其能仁之功也。夫人
生於血氣之中。長於聲利之途。耳目口
鼻四肢之欲。不能無也。纏綿於愛憎。展
轉於伎求。馳騁一時之快。而駸駸流墮
於三塗之苦。

佛世尊之垂憫乎此也。開方便之門。啓懺悔
之科。咸使得以捨妄而歸真。滅罪而資

福凡一切之人。果能體清淨心。發真實
願。一念歸誠。有感必應。薰旃檀於穢域。
出蓮萼於汙渠。有不可名言之妙矣。此
觀無量壽佛經。所以有益於世也。我

皇考太宗體天弘道高明廣運聖武神功純
仁至孝文皇帝。

皇妣仁孝慈懿誠明莊獻配天齊聖文皇后。

序
皆以上聖之資。居至尊之位。深仁大德。
涵育萬邦。下至飛潛動植之類。莫不熙
熙自遂。於泰和之世。然

二聖未嘗以是自足。所以心佛之心。廣佛之
教。嘉惠天下者至矣。若觀無量壽佛經。
皇考嘗欲表章之。未就而

六御上賓。


宸遊在天哀慕無極用敢追成

皇考聖志命工刊行此經而廣施之蓋欲使
天下後世至于無窮之人皆知歸誠佛
道有過者圖改以自新好善者益勉而
自進皆遊如來之境樂如來之福且以
上資

皇考

皇妣在天之福於無窮焉謹序諸其簡端云

洪熙元年正月初一日



佛說觀無量壽佛經

宋元嘉中畺良耶舍譯

如是我聞。一時佛在王舍城耆闍崛山中。
與大比丘衆千二百五十人俱。菩薩三萬
二千文殊師利法王子而為上首。爾時王
舍大城有一太子名阿闍世。隨順調達惡
友之教。收執父王頻婆娑羅。幽閉置於七

重室內制諸羣臣。一不得往。國太夫人名
韋提希。恭敬大王。澡浴清淨。以酥蜜和麩。
用塗其身。諸瓔珞中盛蒲桃漿。密以上王。
爾時大王食麩飲漿。求水漱口。漱口已畢。
合掌恭敬。向耆闍崛山。遙禮世尊。而作是
言。大目犍連。是吾親友。願興慈悲。授我八
戒。時目犍連如鷹隼飛。疾至王所。日日如

是授王八戒世尊亦遣尊者富樓那為王
說法如是時間經三七日王食妙蜜得聞
法故顏色和悅時阿闍世問守門者父王
今者猶存在耶時守門人白言大王國太
夫人身塗妙蜜瓔珞盛漿持用上王沙門
目連及富樓那從空而來為王說法不可
禁制時阿闍世聞此語已怒其母曰我母

是賊與賊為伴。沙門惡人。幻惑呪術。令此
惡王多日不死。即執利劍。欲害其母。時有
一臣名曰月光。聰明多智。及與耆婆為王
作禮。白言大王。臣聞毗陀論經說。劫初已
來。有諸惡王。貪國位。故殺害其父。一萬八
千。未曾聞有無道害母王。今為此殺逆之
事。汙刹利種。臣不忍聞。是旃陀羅。不宜住

此時二大臣說此語竟以手按劍却行而
退時阿闍世驚怖惶懼告耆婆言汝不為
我耶耆婆白言大王慎莫害母王聞此語
懺悔求救即便捨劍止不害母勅語內官
閉置深宮不令復出時韋提希被幽閉已
愁憂憔悴遙向耆闍崛山為佛作禮而作
是言如來世尊在昔之時恒遣阿難來慰

問我我今愁憂世尊威重無由得見願遣
目連尊者阿難與我相見作是語已悲泣
雨淚遙向佛禮未舉頭頃爾時世尊在耆
闍崛山知韋提希心之所念即勅大目犍
連及以阿難從空而來佛從耆闍崛山沒
於王宮出時韋提希禮已舉頭見世尊釋
迦牟尼佛身紫金色坐百寶蓮華目連侍

左阿難侍右釋梵護世諸天在虛空中普
雨天華持用供養時韋提希見佛世尊自
絕瓔珞舉身投地號泣向佛白言世尊我
宿何罪生此惡子世尊復有何等因緣與
提婆達多共為眷屬惟願世尊為我廣說
無憂惱處我當往生不樂閻浮提濁惡世
也此濁惡處地獄餓鬼畜生盈滿多不善

聚願我未來不聞惡聲不見惡人今向世
尊五體投地求哀懺悔惟願佛日教我觀
於清淨業處。

爾時世尊放眉間光其光金色徧照十方
無量世界還住佛頂化為金臺如須彌山
十方諸佛淨妙國土皆於中現或有國土
七寶合成復有國土純是蓮華復有國土

如自在天宮復有國土如玻瓈鏡十方國
土皆於中現有如是等無量諸佛國土嚴
顯可觀令韋提希見時韋提希白佛言世
尊是諸佛土雖復清淨皆有光明我今樂
生極樂世界阿彌陀佛所惟願世尊教我
思惟教我正受

爾時世尊即便微笑有五色光從佛口出

一一光照頻婆娑羅王頂。爾時大王雖在
幽閉。心眼無障。遙見世尊。頭面作禮。自然
增進。成阿那含。爾時世尊告韋提希。汝今
知不。阿彌陀佛去此不遠。汝當繫念諦觀。
彼國淨業成者。我今為汝廣說。衆辟六令。
未來世一切凡夫。欲修淨業者。得生西方
極樂國土。欲生彼國者。當修三福。一者孝。

養父母奉事師長慈心不殺修十善業二
者受持三歸具足衆戒不犯威儀三者發
菩提心深信因果讀誦大乘勸進行者如
此三事名為淨業佛告韋提希汝今知不
此三種業過去未來現在三世諸佛淨業
正因。

佛告阿難及韋提希諦聽諦聽善思念之。

如來今者為未來世一切衆生為煩惱賊
之所害者。說清淨業。善哉。韋提希。快問此
事。阿難。汝當受持。廣為多衆宣說佛語。如
來今者。教韋提希及未來世一切衆生。觀
於西方極樂世界。以佛力故。當得見彼清
淨國土。如執明鏡。自見面像。見彼國土極
妙樂事。心歡喜。故應時即得無生法忍。佛

告韋提希汝是凡夫心想羸劣未得天眼
不能遠觀諸佛如來有異方便令汝得見
時韋提希白佛言世尊如我今者以佛力
故見彼國土若佛滅後諸衆生等濁惡不
善五苦所逼云何當見阿彌陀佛極樂世
界。

佛告韋提希汝及衆生應當專心繫念一

處想於西方云何作想凡作想者一切衆
生自非生盲有目之徒皆見日沒當起想
念正坐西向諦觀於日令心堅住專想不
移見日欲沒狀如懸鼓既見日已閉目開
目皆令明了是為日想名曰初觀
次作水想見水澄清亦令明了無分散意
既見水已當起冰想見冰映徹作瑠璃想

此想成已見瑠璃地內外映徹下有金剛
七寶金幢擎瑠璃地其幢八方八楞具足
一一方面百寶所成一寶珠有千光明
一一光明八萬四千色映瑠璃地如億千
日不可具見瑠璃地上以黃金繩雜廁間
錯以七寶界分齊分明一一寶中有五百
色光其光如華又似星月懸處虛空成光

明臺樓閣千萬百寶合成於臺兩邊各有
百億華幢無量樂器以為莊嚴八種清風
從光明出鼓此樂器演說苦空無常無我
之音是為水想名第二觀

此想成時一一觀之極令了了閉目開目
不令散失唯除食時恒憶此事如此想者
名為粗見極樂國地若得三昧見彼國地

了了分明不可具說是為地想名第三觀
佛告阿難汝持佛語為未來世一切大衆
欲脫苦者說是觀地法若觀是地者除八
十億劫生死之罪捨身佗世必生淨國心
得無疑作是觀者名為正觀若佗觀者名
為邪觀。

佛告阿難及韋提希地想成已次觀寶樹。

觀寶樹者。一一觀之作七重行樹想。一一樹高八千由旬。其諸寶樹七寶華葉無不具足。一一華葉作異寶色。瑠璃色中出金色。光瑔色中出紅色。光碼碯色中出磲色。光磲色中出綠。真珠光珊瑚琥珀一切衆寶。以為映飾。妙真珠網彌覆樹上。一一樹上有七重網。一一網間有五百億妙

華宮殿如梵王宮。諸天童子自然在中。一童子五百億釋迦毗楞伽摩尼。以為瓔珞。其摩尼光照百由旬。猶如和合百億日月。不可具名。衆寶間錯。色中上者。此諸寶樹行行相當。葉葉相次。於衆葉間生諸妙華。華上自然有七寶果。一一樹葉縱廣正等二十五由旬。其葉千色。有百種畫。如天

瓔珞有衆妙華。作閻浮檀金色。如旋火輪。
宛轉葉間。涌生諸果。如帝釋餅。有大光明。
化成幢旛。無量寶蓋。是寶蓋中。映現三千
大千世界。一切佛事。十方佛國。亦於中現。
見此樹已。亦當次第一一觀之。觀見樹莖
枝葉華果。皆令分明。是為樹想。名第四觀。
次當想水。想水者。極樂國土有八池水。一

一池水。七寶所成。其寶柔輒。從如意珠王
生。分為十四支。一一支作七寶色。黃金為
渠。渠下皆以雜色金剛以為底沙。一一水
中有六十億七寶蓮華。一一蓮華團圓正
等十二由旬。其摩尼水流注華間。尋樹上
下。其聲微妙。演說苦空無常無我。諸波羅
蜜。復有讚歎諸佛相好者。如意珠王涌出。

金色微妙光明。其光化為百寶色鳥。和鳴
哀雅。常讚念佛念法念僧。是為八功德水
想。名第五觀衆寶國土。一一界上有五百
億寶樓。其樓閣中有無量諸天。作天妓樂。
又有樂器懸處虛空。如天寶幢。不鼓自鳴。
此衆音中。皆說念佛法念比丘僧。此想
成已。名為粗見極樂世界寶樹寶地寶池。

是為總觀想。名第六觀。若見此者。除無量
億劫極重惡業。命終之後。必生彼國。作是
觀者。名為正觀。若佗觀者。名為邪觀。

佛告阿難。及韋提希。諦聽。諦聽。善思念之。
佛當為汝分別解說。除苦惱法。汝等憶持。
廣為大衆分別解說。說是語時。無量壽佛。
住立空中。觀世音。大勢至。是二大士。侍立。

左右光明熾盛。不可具見。百千閻浮檀金。色不得為比。時韋提希見無量壽佛已。接足作禮。白佛言。世尊。我今因佛力。故得見無量壽佛。及二菩薩。未來衆生。當云何觀無量壽佛。及二菩薩。佛告韋提希。欲觀彼佛者。當起想念。於七寶地上。作蓮華想。令其蓮華。一一葉作百寶色。有八萬四千脉。

猶如天畫。脉有八萬四千光。了了分明。皆
令得見。華葉小者。縱廣二百五十由旬。如
是蓮華。有八萬四千葉。一一葉間有百億
摩尼珠王。以為映飾。一一摩尼放千光明。
其光如蓋。七寶合成。徧覆地上。釋迦毗楞
伽寶。以為其臺。此蓮華臺。八萬金剛甄𡵿
迦寶。梵摩尼寶。妙真珠網。以為鉸飾。於其

臺上。自然而有。四柱寶幢。一一寶幢如百
千萬億須彌山。幢上寶幔如夜摩天宮。復
有五百億微妙寶珠。以為映飾。一一寶珠
有八萬四千光。一一光作八萬四千異種
金色。一一金色徧其寶土。處處變化。各作
異相。或為金剛臺。或作真珠網。或作雜華
雲。於十方面。隨意變現。施作佛事。是為華

座想名第七觀。佛告阿難。如此妙華。是本
法藏比丘願力所成。若欲念彼佛者。當先
作此華座想。作此想時。不得雜觀。皆應一
一觀之。一一葉。一一珠。一一光。一一臺。一
一幢。皆令分明。如於鏡中自見面像。此想
成者。滅除五萬劫生死之罪。必定當生極
樂世界。作是觀者。名為正觀。若佗觀者。名

為邪觀

佛告阿難及韋提希見此事已次當想佛
所以者何諸佛如來是法界身入一切衆
生心想中是故汝等心想佛時是心即是
三十二相八十隨形好是心作佛是心是
佛諸佛正徧知海從心想生是故應當一
心繫念諦觀彼佛多陀阿伽度阿羅訶三

藐三佛陀想彼佛者。先當想像。閉目開目。
見一寶像。如閻浮檀金色。坐彼華上。見像
坐已。心眼得開了了。分明見極樂國七寶
莊嚴。寶地寶池。寶樹行列。諸天寶幔。彌覆
其上。衆寶羅網。滿虛空中。見如此事。極令
明了。如觀掌中。見此事已。復當更作一大
蓮華。在佛左邊。如前蓮華。等無有異。復作

一大蓮華在佛右邊想一觀世音菩薩像
坐左華座亦作金色如前無異想一大勢
至菩薩像坐右華座此想成時佛菩薩像
皆放光明其光金色照諸寶樹一一樹下
亦有三蓮華諸蓮華上各有一佛二菩薩
像徧滿彼國此想成時行者當聞水流光
明及諸寶樹鳧鴈鴛鴦皆說妙法出定入

定恒聞妙法行者所聞出定之時憶持不
捨令與修多羅合。若不合者名為妄想。若
與合者名為麤想。見極樂世界是為像想。
名第八觀。作是觀者除無量億劫生死之
罪。於現身中得念佛三昧。

佛告阿難。此想成已。次當更觀無量壽佛
身相光明。阿難當知無量壽佛身如百千

萬億夜摩天閻浮檀金色。佛身高六十萬
億那由佗恒河沙。由旬眉間白毫。右旋宛
轉如五須彌山。佛眼如四大海水。青白分
明。身諸毛孔演出光明。如須彌山。彼佛圓
光如百億三千大千世界。於圓光中有百
萬億那由佗恒河沙化佛。一一化佛亦有
衆多無數。化菩薩以為侍者。無量壽佛有

八萬四千相一一相各有八萬四千隨形
好一一好復有八萬四千光明一一光明
徧照十方世界念佛衆生攝取不捨其光
相好及與化佛不可具說但當憶想令心
眼見見此事者即見十方一切諸佛以見
諸佛故名念佛三昧作是觀者名觀一切
佛身以觀佛身故亦見佛心佛心者大慈

悲是以無緣慈攝諸衆生作此觀者捨身
佗世生諸佛前得無生忍是故智者應當
繫心諦觀無量壽佛觀無量壽佛者從一
相好入但觀眉間白毫極令明了見眉間
白毫者八萬四千相好自然當現見無量
壽佛者即見十方無量諸佛得見無量諸
佛故諸佛現前授記是為徧觀一切色身

相名第九觀作此觀者名為正觀若佗觀者名為邪觀

佛告阿難及韋提希見無量壽佛了了分明已次復當觀觀世音菩薩此菩薩身長八十萬億那由佗由旬身紫金色頂有肉髻項有圓光面各百千由旬其圓光中有五百化佛如釋迦牟尼一一化佛有五百

化菩薩無量諸天以為侍者舉身光中五
道衆生一切色相皆於中現頂上毗楞伽
摩尼寶以為天冠其天冠中有一立化佛
高二十五由旬觀世音菩薩面如閻浮檀
金色眉間毫相備七寶色流出八萬四千
種光明一一光明有無量無數百千化佛
一一化佛無數化菩薩以為侍者變現自

在滿十方世界。譬如紅蓮華。色有八十億
光明。以為瓔珞。其瓔珞中。普現一切諸莊
嚴事。手掌作五百億雜蓮華色。手十指端。
一一指端。有八萬四千畫。猶如印文。一一
畫。有八萬四千色。一一色。有八萬四千光。
其光柔軟。普照一切。以此寶手。接引衆生。
舉足時。足下有千輻輪相。自然化成五百

億光明臺下。足時有金剛摩尼華布散。一切莫不彌滿。其餘身相衆好具足。如佛無異。唯頂上肉髻及無見頂相。不及世尊。是為觀觀世音菩薩真實色身相。名第十觀。佛告阿難。若欲觀觀世音菩薩者。當作是觀。作是觀者。不遇諸禍。淨除業障。除無數劫生死之罪。如此菩薩。但聞其名。獲無量

福何況諦觀。若有欲觀觀世音菩薩者。先
觀頂上肉髻。次觀天冠。其餘衆相。六次第
觀之。六令明了。如觀掌中。作是觀者。名為
正觀。若佗觀者。名為邪觀。

次觀大勢至菩薩。此菩薩身量大小。六如
觀世音。圓光面各百二十五由旬。照二百
五十由旬。舉身光明。照十方國。作紫金色。

有緣衆生皆悉得見。但見此菩薩。一毛孔
光。即見十方無量諸佛。淨妙光明。是故號
此菩薩名無邊光。以智慧光普照一切。令
離三塗。得無上力。是故號此菩薩名大勢
至。此菩薩天冠有五百寶華。一一寶華有
五百寶臺。一一臺中。十方諸佛。淨妙國土。
廣長之相。皆於中現。頂上肉髻如鉢頭摩。

華於肉髻上有一寶鉞盛諸光明普現佛
事。餘諸身相如觀世音等無有異。此菩薩
行時十方世界一切震動。當地動處有五
百億寶華。一一寶華莊嚴高顯如極樂世
界。此菩薩坐時七寶國土一時動搖。從下
方金光佛剎乃至上方光明王佛剎於其
中間無量塵數分身無量壽佛分身觀世

音大勢至。皆悉雲集。極樂國土。塼塞空中。
坐蓮華座。演說妙法。度苦衆生。作此觀者。
名為觀見大勢至菩薩。是為觀大勢至色
身相。觀此菩薩者。名第十一觀。除無數劫
阿僧祇生死之罪。作是觀者。不處胞胎。常
遊諸佛淨妙國土。此觀成已。名為具足觀
觀世音大勢至。

見此事時當起自心生於西方極樂世界
於蓮華中結跏趺坐作蓮華合想作蓮華
開想蓮華開時有五百色光來照身想眼
目開想見佛菩薩滿虛空中水鳥樹林及
與諸佛所出音聲皆演妙法與十二部經
合出定之時憶持不失見此事已名見無
量壽佛極樂世界是為普觀想名第十二

觀無量壽佛化身無數與觀世音大勢至
常來至此行人之所

佛告阿難及韋提希若欲至心生西方者
先當觀於一丈六像在池水上如先所說
無量壽佛身量無邊非是凡夫心力所及
然彼如來宿願力故有憶想者必得成就
但想佛像得無量福况復觀佛具足身相

阿彌陀佛神通如意於十方國變現自在
或現大身滿虛空中。或現小身丈六八尺。
所現之形皆真金色圓光化佛及寶蓮華。
如上所說觀世音菩薩及大勢至於一切
處身同衆生。但觀首相知是觀世音。知是
大勢。至此二菩薩助阿彌陀佛普化一切。
是為雜想觀。名第十三觀。

佛告阿難。及韋提希。上品上生者。若有衆
生。願生彼國者。發三種心。即便往生。何等
為三。一者至誠心。二者深心。三者迴向發
願心。具三心者。必生彼國。復有三種衆生。
當得往生。何等為三。一者慈心不殺。具諸
戒行。二者讀誦大乘方等經典。三者修行
六念。迴向發願。願生彼國。具此功德。一日

乃至七日。即得往生。生彼國時。此人精進
勇猛。故阿彌陀如來與觀世音大勢至。無
數化佛百千比丘聲聞大衆無量諸天。七
寶宮殿。觀世音菩薩執金剛臺與大勢至
菩薩至行者前。阿彌陀佛放大光明照行
者身。與諸菩薩授手迎接。觀世音大勢至
與無數菩薩讚歎行者。勸進其心。行者見

已歡喜踊躍。自見其身。乘金剛臺。隨從佛
後。如彈指頃。往生彼國。生彼國已。見佛色
身。衆相具足。見諸菩薩。色相具足。光明寶
林。演說妙法。聞已。即悟無生法忍。經須臾
間。歷侍諸佛。徧十方界。於諸佛前。次第受
記。還至本國。得無量百千陀羅尼門。是名
上品上生者。

上品中生者。不必受持讀誦方等經典。善
解義趣。於第一義心不驚動。深信因果。不
謗大乘。以此功德迴向。願求生極樂國。行
此行者。命欲終時。阿彌陀佛與觀世音大
勢至無量大衆眷屬圍繞。持紫金臺。至行
者前。讚言。法子。汝行大乘解第一義。是故
我今來迎接汝。與千化佛一時授手。行者

自見坐紫金臺。合掌叉手。讚歎諸佛。如一
念頃。即生彼國七寶池中。此紫金臺如大
寶華。經宿則開。行者身作紫磨金色。足下
各有七寶蓮華。佛及菩薩俱時放光照行
者身。目即開明。因前宿習。普聞衆聲。純說
甚深第一義諦。即下金臺。禮佛合掌。讚歎
世尊。經於七日。應時即於阿耨多羅三藐

甚深法經三小劫得百法明門住歡喜地。
是名上品下生者。是名上輩生想。名第十
四觀。

佛告阿難及韋提希。中品上生者。若有衆
生受持五戒。持八戒齋。修行諸戒。不造五
逆。無衆過患。以此善根迴向願求生於西
方極樂世界。臨命終時。阿彌陀佛與諸比

丘眷屬圍繞放金色光至其所演說苦
空無常無我讚歎出家得離衆苦行者見
已心大歡喜自見已身坐蓮華臺張跪合
掌為佛作禮未舉頭頃即得往生極樂世
界蓮華尋開當華敷時聞衆音聲讚歎四
諦應時即得阿羅漢道三明六通具八解
脫是名中品上生者。

三菩提得不退轉。應時即能飛行。徧至十方。歷侍諸佛。於諸佛所。修諸三昧。經一小劫。得無生忍。現前授記。是名上品中生者。上品下生者。六信因果。不謗大乘。但發無上道心。以此功德。迴向願求生極樂國行者。命欲終時。阿彌陀佛及觀世音大勢至與諸眷屬。持金蓮華。化作五百佛來迎此。

人。五百化佛一時授手。讚言法子。汝今清
淨發無上道心。我來迎汝。見此事時。即自
見身坐金蓮華。坐已華合。隨世尊後。即得
往生七寶池中。一日一夜蓮華乃開。七日
之中。乃得見佛。雖見佛身。於衆相好。心不
明了。於三七日後。乃了了見。聞衆音聲。皆
演妙法。遊歷十方。供養諸佛。於諸佛前。聞

中品中生者。若有衆生。若一日一夜受持
八戒齋。若一日一夜持沙彌戒。一日一夜
持具足戒。威儀無缺。以此功德。迴向願求
生極樂國。戒香熏修。如此行者。命欲終時。
見阿彌陀佛。與諸眷屬。放金色光。持七寶
蓮華。至行者前。行者自聞空中有聲。讚言
善男子。如汝善人。隨順三世諸佛教法。我

來迎汝行者自見坐蓮華上蓮華即合生
於西方極樂世界在寶池中經於七日蓮
華乃敷華既敷已開目合掌讚歎世尊聞
法歡喜得須陀洹經半劫已成阿羅漢是
名中品中生者。

中品下生者若有善男子善女人孝養父
母行世仁慈此人命欲終時遇善知識為

其廣說阿彌陀佛國土樂事。六說法藏比丘四十八願聞此事已。尋即命終。譬如壯士屈申臂頃。即生西方極樂世界。生經七日。遇觀世音及大勢至。聞法歡喜過一小劫。成阿羅漢。是名中品下生者。是名中輩生想。名第十五觀。

佛告阿難。及韋提希。下品上生者。或有衆

生作衆惡業。雖不誹謗方等經典。如此愚人。多造惡法。無有慙愧。命欲終時。遇善知識。為說大乘十二部經首題名字。以聞如是諸經名故。除却千劫極重惡業。智者復教合掌叉手。稱南無阿彌陀佛。稱佛名故。除五十億劫生死之罪。爾時彼佛即遣化佛。化觀世音。化大勢至。至行者前。讚言善。

男子汝稱佛名故諸罪消滅。我來迎汝。作
是語已。行者即見化佛光明徧滿其室。見
已歡喜。即便命終。乘寶蓮華。隨化佛後生
寶池中。經七七日。蓮華乃敷。當華敷時。大
悲觀世音菩薩放大光明。住其人前。為說
甚深十二部經。聞已信解。發無上道心。經
十小劫。具百法明門。得入初地。是名下品。

上生者。

佛告阿難及韋提希。下品中生者。或有衆生。毀犯五戒八戒。及具足戒。如此愚人。偷僧祇物。盜現前僧物。不淨說法。無有慙愧。以諸惡業。而自莊嚴。如此罪人。以惡業故。應墮地獄。命欲終時。地獄衆火一時俱至。遇善知識。以大慈悲。為說阿彌陀佛十力。

威德廣讚彼佛光明神力。亦讚戒定慧解脫。解脫知見此人聞已。除八十億劫生死之罪。地獄猛火化為清涼風。吹諸天華。華上皆有化佛菩薩。迎接此人。如一念頃。即得往生七寶池中。蓮華之內。經於六劫。蓮華乃敷。觀世音大勢至。以梵音聲安慰彼人。為說大乘甚深經典。聞此法已。應時即

發無上道心。是名下品中生者。

佛告阿難。及韋提希。下品下生者。或有衆生。作不善業。五逆十惡。具諸不善。如此愚人。以惡業故。應墮惡道。經歷多劫。受苦無人。窮如此愚人。臨命終時。遇善知識。種種安慰。為說妙法。教令念佛。此人苦逼。不遑念佛。善友告言。汝若不能念者。應稱無量壽。

佛如是至心令聲不絕。具足十念。稱南無阿彌陀佛。稱佛名故。於念念中。除八十億劫生死之罪。命終之時。見金蓮華。猶如日輪。住其人前。如一念頃。即得往生極樂世界。於蓮華中。滿十二大劫。蓮華方開。觀世音大勢至。以大悲音聲。為其廣說諸法實相。除滅罪法。聞已歡喜。應時即發菩提之

心。是名下品下生者。是名下輩生想。名第
十六觀。

說是語時。韋提希與五百侍女聞佛所說。
應時即見極樂世界廣長之相。得見佛身。
及二菩薩。心生歡喜。歎未曾有。豁然大悟。
逮無生忍。五百侍女發阿耨多羅三藐三
菩提心。願生彼國。世尊受記。皆當往生。生

彼國已得諸佛現前三昧無量諸天發無
上道心

爾時阿難即從座起前白佛言世尊當何
名此經此法之要當云何受持佛告阿難
此經名觀極樂國土無量壽佛觀世音菩
薩大勢至菩薩六名淨除業障生諸佛前
汝當受持無令忘失行此三昧者現身得

見無量壽佛及二大士。若善男子及善女人。但聞佛名。二菩薩名。除無量劫生死之罪。何況憶念。若念佛者。當知此人是人中分陀利華。觀世音菩薩大勢至菩薩。為其勝友。當坐道場。生諸佛家。佛告阿難。汝好持是語。持是語者。即是持無量壽佛名。佛說此語時。尊者目犍連阿難及韋提希等。

聞佛所說皆大歡喜。

爾時世尊足步虛空還耆闍崛山。爾時阿難廣為大衆說如上事。無量諸天龍夜叉聞佛所說皆大歡喜禮佛而退。

佛說觀無量壽佛經

觀
觀無量壽佛經後序

西方無量壽佛慈仁博愛悲願宏深與
觀世音大勢至二菩薩為三友之導師
接引羣情徑超極樂世界。彼世界七寶
莊嚴寶地寶池。八功德水百寶蓮華寶
雲寶殿寶樹行列。諸天寶幔弥覆其上。
衆寶瓔珞塞滿空中。而尤水鳥樹林皆

悉演唱苦空。言常無我。諸波羅密。故出
廣長之舌。讚嘆而弗能及也。然凡羣情
之所想念。真實欲生彼國。而無不生者
矣。諦詳此

佛說無量壽佛經。所談十六妙觀。蓋觀
者。將心隨境。名之曰觀。攝境歸心。名之
曰觀。其竅深妙。諸祖弗傳之要道也。誠

欲羣情依之修行。脫或漸次增進。則心
無不悟。佛無不成矣。洪惟我

太宗文皇帝。愍念羣情之意。嘗欲表章之。

仁宗昭皇帝。製斯經之序。有曰。凡一切之人。

果能體清淨心。發真實願。一念歸誠。有
感必應。以之所謂有益於世也。大哉。

皇言乎。心佛之心。廣佛之教。至矣。盡矣。今

中貴官劉晉傑。孳孳為善。念修因。逢
此真乘。深生希遇。繇是捐貲。命工印施。
五千四十八卷。流通十方。亦可謂體

先聖普濟之心。祝

皇上無量之壽。


恩無不酬。德无不報。民康物阜。雨順風調。而

法界羣生無不蒙益於過現未來也功
莫大焉暇日謁余以為後序以紀歲月
之端其諸奧義具載本文云。

大明景泰二年歲次辛未正月上元節
僧錄司左講經無

賜萬壽禪寺住持築壇傳戒壇主沙門金

陵釋道孚序



第一日沒觀
 第二水想觀
 第三地想觀
 第四樹想觀
 第五池想觀
 第六樓想觀
 第七花座觀
 第八像想觀
 第九法身想觀

心海茫茫水接天
 百千三昧自然成
 定水汪洋似海溟
 微瀾不起水更清
 地平如掌沒丘陵
 有大金幢自下承
 七珍行樹響微風
 說盡無常與苦空
 水出摩尼十四支
 金渠分注八花池
 百寶樓臺百億重
 諸天妓樂滿樓中
 大寶蓮花特池開
 百千瓔絡掛金臺
 池上蓮花次第開
 紫金步聚立嵬嵬
 紫摩金像滿虛空
 紺目澄清與海同

請觀落日如懸鼓
 一念方登安樂城
 須更變作瑠璃地
 宮殿參差倒瀉明
 無限樓臺皆七寶
 不知他日與誰登
 若也一聞登不退
 不須多劫更修功
 花間演法聲哀雅
 生自珠光彩羽奇
 自鳴又有懸空樂
 皆說三歸人念功
 人人自有登攀分
 終不回頭意可哀
 要須念、常觀察
 往聽如來讚善哉
 莫訝身雲無限量
 由來不出一心中

第十觀音想觀
第十一勢至想觀
第十二普法智觀
第十三雜想觀
第十四上品生觀
第十五中品生觀
第十六下品生觀

最初悲願舊彌新
十界垂形濟苦倫
頂上花冠戴寶瓶
青蓮紺目紫金形
晝夜常修淨土緣
忽然三聖立門前
分身化佛幾千二
大小金軀坐儼然
幾年精進智恢
今日行裝甚快哉
持戒持齋是大因
忽聞化佛語詢
堪羨廉人智慧深
能於地獄便回心

逆順達中心自若
何妨戴果又行因
經行震動三千界
能使無明醉客醒
慇懃讚歎兼摩頂
頃刻能令坐寶蓮
玉樹瓊林并寶殿
到頭仙樂勝諸天
佛自來迎天奏樂
觀音親執紫金室
金沙池畔青蓮上
聊與諸賢結交親
縱經多劫留宮內
親聽觀音說法音

世金永今

金世良西主

梁世孫西主

大施主崔崇文
大施主金萬石

金金伊石
洪千同

李榮
有非

朴順弼
高氏

劉玉
仁香

徐訥兩主

車元山

林順先兩主

孟哲伊

金順信

朴揆全

金贊

車百輪

阿難

思郎加

貴德

咸士全

鄭全兩主

崔終山

朴貴孫

金順連

安敬昌

德非

乃從

金生石

文非

莫非

劉莫孫

訥今

文進孫

金末根兩主

吳亨兩主

朴成堅

禹平

朴元亨

李克仁

沈彭孫兩主

金興壽兩主

朴允弼

朴莫山

鄭貴仁

丁從孫

咸文兩主

金善國

孫金伊山

張孫兩主

金永全

劉揆金兩主

石非

韓連終

申石崇兩主

李戒全

朴善孫兩主

尹今

玄珪

金成孫

朴祥里孫

朴揆孫兩主

全敏守

宋壽千

金巨子衆

金順根

朴岩田兩主

全千孫

金石

白蓮堂



